



**ЎЗБЕКИСТОН РЕСПУБЛИКАСИ ОЛИЙ СУДИ
ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИНИНГ
ҚАРОРИ**

**Судлар, суд процесслари ва улар иштирокчиларининг хавфсизлигини
таъминлаш тартиби тўғрисидаги йўриқномага ўзгартиришлар
ва қўшимча киритиш ҳақида**

Ўзбекистон Республикаси Президентининг 2018 йил 12 майдаги ПФ-5441-сон “Адвокатура институти самарадорлигини тубдан ошириш ва адвокатларнинг мустақиллигини кенгайтириш чора-тадбирлари тўғрисида”ги Фармонига мувофиқ Ўзбекистон Республикаси Олий суди ҳамда Ички ишлар вазирлиги қарор қиласди:

1. Ўзбекистон Республикаси Олий суди ва Ички ишлар вазирлигининг 2018 йил 23 февралдаги 11-87, 20-сон қарори (рўйхат рақами 2981, 2018 йил 15 март) (Қонун хужжатлари маълумотлари миллий базаси, 16.03.2018 й., 10/18/2981/0900-сон) билан тасдиқланган Судлар, суд процесслари ва улар иштирокчиларининг хавфсизлигини таъминлаш тартиби тўғрисидаги йўриқномага иловага мувофиқ ўзгартиришлар ва қўшимча киритилисин.

2. Мазкур қарор расмий эълон қилинган кундан эътиборан кучга киради.

Олий суд раиси

Тошкент ш.,
2018 йил “25” июн,
56-сон


К. Камилов

Ички ишлар вазири

Тошкент ш.,
2018 йил “25” июн,
47-сон


П. Бобожонов



Ўзбекистон Республикаси
Олий суди ва Ички ишлар вазирлигининг
2018 йил 25 июндаги
56, 47-сон қарорига
ИЛОВА

**Судлар, суд процесслари ва улар иштирокчиларининг хавфсизлигини
таъминлаш тартиби тўғрисидаги йўриқномага киритилаётган
ўзгартиришлар ва қўшимча**

1. 13 ва 14-банлар қуйидаги таҳрирда баён этилсин:

“13. Суд мажлисини фототасвирга тушириш, аудио ва видеоёзувины амалга ошириш, шунингдек оммавий ахборот воситаларида трансляция қилиш қонун ҳужжатларида белгиланган тартибда амалга оширилади.

14. Суд биносига мобиль телефон, фото ва видео қайд этиш воситаларини суд мажлисида раислик қилувчининг (бундан буён матнда раислик қилувчи деб юритилади) рухсатисиз олиб кириш тақиқланади, мазкур Йўриқноманинг 14¹-бандида назарда тутилган ҳоллар бундан мустасно.”.

2. Қуйидаги мазмундаги 14¹-банд билан тўлдирилсин:

“14¹. Адвокат ўз профессионал фаолиятини амалга ошириши учун, Ўзбекистон Республикаси Жиноят-процессуал кодексининг 19-моддасига қатъий риоя этган ҳолда, суд биносига компьютер, мобиль ва бошқа алоқа воситаларини монеликсиз олиб кириш ҳукуқига эга, ёпиқ суд мажлислари бундан мустасно. Бунда қайд этилган қурилмалардан суд биноси ичкарисида фойдаланиш суд жараёнини ўтказиш тартибини бузмаслиги керак.”.

3. 16-банд қуйидаги таҳрирда баён этилсин:

“16. Судга ташриф буторувчи шахслар ўзлари томонидан олиб келинган суд биносига олиб кириш тақиқланган буюмларни суд маъмурияти томонидан маҳсус ажратилган жойларда қолдириб кириши ҳамда суд биносидан чиқишида ўзи билан олиб кетиши лозим.”.

4. 25-банднинг ўнинчи хатбошидаги “Миллий” деган сўз “Давлат” деган сўз билан алмаштирилсин.



5. Мазкур ўзгартиришлар ва қўшимча Ўзбекистон Республикаси
Адвокатлар палатаси билан қелишилган.

Ўзбекистон Республикаси
Адвокатлар палатаси раиси в.б.

2018 йил “25” июль

Ш. Садиков